

57 Սոյնպէս եւ զկյծեմնիկն իւր ողորմածութիւնքն եւ խանդակաթ այրեացն ողբումն, ի ձեռն մեծին Պետրոսի, եւ զիրաժարեալն զգնացեալն զմեռեալն միւսանգամ այսրէն դարձուցաներ ի կենդանութիւն: 58 Սոյնպէս եւ մեծն Պաւղոս, ասեր, պատմէ՝ թէ իբրեւ տեսին զշնորհսն, որ տուեալ էին ինձ Յակոբոս եւ Կեփաս եւ Յովհաննէս՝ որ բուն սիւնքն էին, իբրեւ տեսին՝ թէ հաւատարիմ եմ ես յաւետարանն անթլիատութեան, որպէս նոքա ի թլփատութեանն, եւս քաջ համարձակեցին, ձեռն ետուն հաւանութեան ինձ եւ Բառնաբայ, զի մեք ի հեթանոսս եւ նոքա ի թլփատութիւնս: 59 Բայց միայն պատուիրեցին ինձ, ասէ, զի աղքատաց ինձամ կացուք. զոր ես ինքնին իսկ, ասէ, փութայի ջանալ կատարել:

60 Սոյնպէս եւս առաւելագոյն զտերունականն ղներ առաջի, որ մեծատունն էր՝ որ զամենայն պատուիրանսն կատարեալ էր, ապա լուաւ ի Տեառնէ՝ եթէ վաճառեա զինչս քո եւ տուր աղքատաց, եւ գտցես քեզ զանձս յերկինս. եւ որ զկնի սորին՝ եթէ դիւրին է մալխոյ մտանել ընդ ծակ ասղան, քան մեծատան ազահի յարթայութիւն Աստուծոյ: 61 Եւ դարձեալ՝ եթէ արարէք ձեզ բարեկամս ի մամոնայէ անտի անիրաւութեան, որ ընկալցին զձեզ ի յարկս իւրեանց յաւիտենից: 62 Կամ որպէս նոյն իսկ Պաւղոս բարեաց գործոց նախանձաւոր լինէր, ստիպէ ամենեցուն ասելովն՝ եթէ զհետ երթայք սիրոյ, եւ նախանձաւոր լերուք հոգեւորացն: 63 Որոյ զյաւժարութիւն աքայեցուցն վասն պաշտման սրբոցն ի Մակեդոնիա պատմեալ՝ նախանձեցուցեալս յորդորեաց. այլ եւ համարձակութիւն իսկ տայ անխափան ի բարեացն առաքիւնութիւնս, թէ լաւ է յամենայն ժամ նախանձել ի բարիս: 64 Դարձեալ փութայ ամենեքումբք հանդերձ ըստ Զրիստոսի հետոցն վարել: 65 Հայեցարուք, ասէ, ի զաւրագլուխն հաւատոց եւ ի կատարիչն Յիսուս. դարձեալ՝ թէ յիշեցէք զառաջնորդս ձեր եւ զվերակացուս ձեր ի Տեր, որք խաւսեցան ձեզ զբանն կենաց. հայեցարուք յելս զնացից նոցա, եւ նմանողք լերուք հաւատոց նոցա: 66 Եւ միանգամայն՝ թէ զայս խորհեցի իւրաքանչիւր ոք ի ձեռք, որ ի Զրիստոս Յիսուս. եւ դարձեալ՝ թէ սկսաւ Յիսուս առնել եւ ուսուցանել: 67 Իսկ ցանկալի եղբայր Տեառն Յակոբոս զհամարէն իսկ զգունդս սրբոցն հանդերձ սրբասեր տերամբն յաւրիսակ առեալ ի թղթին իւրում, ասելովն՝ եթէ արիսակ առէք, եղբարք, զչարչարանաց երկայնմտութեանն զմարգարէսն՝ որք խաւսեցան յանունն Տեառն. զհամբերութիւնն Յոբայ լուարուք, եւ զկատարումն Տեառն տեսէք:

68 Չայս եւ այսպիսի ինչ, եւ որ ինչ եւ այսմիկ նման էին բանք, խաւսեր հանապազ. զսիւ եւ զգիշեր ոչ դադարեր ի խրատելոյ եւ ի բողոքելոյ: 69 Եւ իմաստութեամբ Հոգւոյն Սրբոյ, որ բնակեալ էր ի նմա, ըստ ամենայն աւուրց իւրոց ժամանակացն ամաց կենաց իւրոց՝ երանելի եպիսկոպոսապետն Հայոց Ներսէս այսպէս առ ամենեսեան զխրատ վարդապետութեանն առ հա-